



Broj:09/1-14-6953/12  
Tuzla, 14.04.2012. godine

Na osnovu člana 23. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona", br. 17/00, 3/01, 12/03, 10/05, 3/08 i 8/11) i člana 39. stav 5. Zakona o izvršenju budžeta Tuzlanskog kantona za 2012. godinu ("Službene novine Tuzlanskog kantona", broj: 3/12.), Ministarstvo za rad, socijalnu politiku i povratak Tuzlanskog kantona donosi

**PROGRAM**  
**raspodjele sredstava za materijalno zbrinjavanje lica u stanju socijalne potrebe**  
**za 2012. godinu**

**I**

Ovim Programom utvrđuje se raspodjela sredstava iz budžeta Tuzlanskog kantona za 2012. godinu sa budžetske pozicije 23020009-materijalno zbrinjavanje lica u stanju socijalne potrebe u ukupnom iznosu od 587.480,00 KM, na sljedeći način:

Tabela br.1

Redni broj	Svrha	Iznos odobrenih sredstava u KM
1.	Podrška projektima, pripreme i distribucije hrane - ishrana najsiromašnijih građana na području TK-a	282.000,00
2.	Podrška realizaciji Programa rada sa djecom sa višestrukim i najtežim oblicima invaliditeta kroz provođenje procesa rehabilitacije i rehabilitacije	61.600,00
3.	Podrška realizaciji programa osnaživanja pojedinaca sa invaliditetom, pomoć u nabavci ortopedskih pomagala, podrška učenicima i studentima sa invaliditetom i dr. pomoći invalidnim osobama	25.000,00
4.	Podrška programu međusobne pomoći lica u duševnoj nevolji, iniciranje programa okupacione i radne terapije za ova lica, u cilju integracija istih u lokalnoj zajednici.	10.000,00

5.	Sklonište i podrška žrtvama nasilja. Realizacija Sporazuma o saradnji u vezi sa projektom: "Podrška žrtvama ratnih zločina u procesima pripreme za svjedočenja".	12.000,00
6.	Podrška djeci i mladima iz jednoroditeljskih porodica i porodica pod rizikom jednoroditeljstva	5.000,00
7.	Porodično savjetovalište .	10.000,00
8.	Podrška programu profesionalne rehabilitacije i zapošljavanju lica sa invaliditetom i podrška školovanju ovih lica	8.000,00
9.	Podrška programu podrške osobama sa paraplegijom, kućnim posjetama ovim licima , podrška u prihvatanju stanja invaliditeta i ponovnom uključivanju u društvo	6.000,00
10.	Podrška programima pomoći starim licima i licima u stanju socijalne potrebe	115.000,00
11.	Pomoć udruženjima	30.000,00
12.	Ostale namjene-rješavanje hitnih i nepredviđenih situacija fizičkih i pravnih lica u oblasti socijalne zaštite	22.880,00
	ukupno	587.480,00 KM

## II

Ministar za rad, socijalnu politiku i povratak u Vladi Tuzlanskog kantona će sredstva iz tačke I ovog Programa rasporediti posebnim odlukama u skladu sa raspoloživim sredstvima Budžeta i operativnim planovima izvršenja Budžeta za 2012. godinu.

## III

Ministar za rad, socijalnu politiku i povratak u Vladi Tuzlanskog kantona će sredstva iz tačke I ovog Programa izuzimajući sredstva iz tačke I.12., rasporediti na osnovu slijedećih kriterija:

R.b	KRITERIJI	Broj bodova
1.	Kvalitet projekta sa jasno definisanim vidljivim i mjerljivim indikatorima za provođenje programskih ciljeva	0 – 10
2.	Kvalitet programa za monitoring i evaluaciju	0 – 10
3.	Obuhvaćenost korisnika usluga kroz program	0 – 10
4.	Procjena bilansa stanja i uspjeha iz 2011.godine	0 – 10
5.	Usklađenost budžeta i programskih aktivnosti	0 – 10
	U k u p n o:	50 bodova

Organizacije i udruženja koja ne ostvare minimum od 35 bodova neće biti finansirana/sufinansirana sredstvima iz ovog Programa.

Sredstva iz tačke I.12. Programa (Ostale namjene-rješavanje hitnih i nepredviđenih situacija fizičkih i pravnih lica u oblasti socijalne zaštite) rasporedit će se na osnovu posebnih odluka ministra za rad socijalnu politiku i povratak u Vladi Tuzlanskog Kantona, u skladu sa ukazanim potrebama.

#### IV

Prilikom procjene neće se razmatrati programi i projekti koji:

- su usmjereni ka vjerskim ciljevima i aktivnostima
- se isključivo baziraju na investicijskim ulaganjima, izgradnji i adaptaciji objekata, kupovini opreme
- imaju administrativne troškove veće od 30 % troškova ukupnog budžeta projekta.

#### V

Objava ovog Programa u “Službenim novinama” Tuzlanskog kantona i na Web stranici Vlade Tuzlanskog kantona [www.vladatk.kim.ba](http://www.vladatk.kim.ba) ostavlja mogućnost potencijalnim korisnicima za podnošenje zahtjeva sa programom/projektom za raspodjelu sredstava iz predhodnog stava u roku od 15 dana od dana objavljivanja, što se smatra javnim pozivom, izuzimajući sredstva iz tačke I.12. Programa.

#### VI

Organizacije i udruženja podnose prijavu na propisani prijavni obrazac koji se može preuzeti sa web stranice Vlade TK-a ([www.vladatk.kim.ba](http://www.vladatk.kim.ba)) ili u Ministarstvu za rad, socijalnu politiku i povratak TK-a. Prijavni obrazac čini sastavni dio Programa.

#### VII

Uz prijavni obrazac obavezno se prilaže:

- Rješenje o upisu u registar kod Ministarstva pravosuđa i uprave TK-a ili drugog nadležnog organa FBiH ili BiH (kopija)
- Uvjerjenje o poreznoj registraciji (kopija)
- Spesimen potpisa (kopija)
- Bilans stanja i bilans uspjeha za 2011.godinu ovjerenu u nadležnoj Poreznoj upravi (kopija).
- Izjava odgovorne osobe pravnog lica o transparentnom utrošku sredstava
- Sporazum o partnerstvu ako se radi o partnerskom projektu (ovjeren od svih partnera) (kopija)
- Detaljan program ili projekat za koji se traži finansiranje.

Prijave na javni poziv, korisnika sredstava za 2011.godinu sa pozicije “materijalno zbrinjavanje lica u stanju socijalne potrebe”, koji nisu dostavili odgovarajući izvještaj o utrošku sredstava, neće biti razmatrane.

## VIII

Popunjeni prijavni obrazac sa svim priložima podnosi se u zapečaćenoj koverti a predaje putem pošte ili na pisarnicu zajedničkih službi kantonalnih organa na adresu:

Tuzlanski kanton

Ministarstvo za rad, socijalnu politiku i povratak

Slatina br.2

75000 Tuzla sa naznakom

“Prijava na javni poziv”

## IX

Organizacije i Udruženja su obavezne da izvještaj o utrošku sredstava sa potrebnim dokazima (kopije računa) uz narativni izvještaj, dostave Ministarstvu za rad, socijalnu politiku i povratak TK-a najkasnije do 28.02. 2013 godine.

Izvještaj iz stava 1. ove tačke dostavlja se u skladu sa propisanim obrascem koji se može preuzeti sa web stranice Vlade TK-a ([www.vladatk.kim.ba](http://www.vladatk.kim.ba)) ili u Ministarstvu za rad, socijalnu politiku i povratak TK-a. Obrazac narativnog i finansijskog izvještaja čini sastavni dio Programa.

## X

Za realizaciju ovog Programa i pojedinačnih Odluka donesenih na osnovu ovog Programa, zadužuje se Ministarstvo za rad, socijalnu politiku i povratak Tuzlanskog kantona i Ministarstvo finansija Tuzlanskog kantona.

## XI

Program stupa na snagu danom davanja saglasnosti od strane Vlade Tuzlanskog kantona, primjenjuje se od 01.01.2012. godine i isti će se objaviti u «Službenim novinama» Tuzlanskog kantona .

DOSTAVLJENO:

1x Vlada TK-a  
1xEvidencija  
1xArhiva

MINISTAR

Sead Hasić dipl.scr.